

月
滿
樓
詩
集

月滿樓詩集卷二十三

元和顧宗泰景嶽

受業李 綸編輯

薇省集

庚子 辛丑 余於庚子春迎 駕至清江
浦歸後經營密多廬墓五閏月仲冬始得安
葬 先人辛丑春赴都入直中書省
辦府讀事合兩年詩編爲薇省集

潤州雜詠

北固山隨三楚盡中泠水入九江深

王珪句

拂衣又作登

樓客一夕春風千里心

無限風光到柳條暮雲淅淅水迢迢
依然江郭清如畫
何處詩人丁卯橋

風流米老不可作。千載猶餘海嶽庵。鼠尾麝煤追彷彿。
空教搗研過江南。

花開玉蕊春雲澹。林繞疎篁夕雨清。此日戴公山下路。
誰攜斗酒聽鷓聲。

平山堂

平山堂迥依然開闢。干拂袖招蓬萊。萬樹春雲墜郭出。
一天翠岫橫江來。風騷幾人留翰墨。登眺有興傾尊壺。
半生何止三過此。拓筆安得追仙才。

淮陰舟夜次家晴沙廉使西湖卽事韻

漉漉淮水下扁舟。風笛長懷趙倚樓。霏雪歸來三載夢。

又看新柳漾波流。

戊戌冬自京師歸于風雪中過淮浦

小客西湖許暫閒。湖邊巖閣日登攀。渡江人去梅開夕。

忽觸新詩憶好山。

去年終年在西湖

記過淮南第幾峯。相知雲水亦相逢。霜天一樣吳船泊。

追話寒山半夜鐘。

舟發前一夕宿楓江

晴沙廉使出跡近稿題得四首

白華歸養奉親顏。暫謝瑤簪萬里還。手筆才驚三峽水。
游筇興滿九龍山。西疆羽檄勞長策。南土林泉笑重攀。
師古河邊開逕處。新篇幾卷墜江關。

煙霏錦樹讀書堂。游釣當年最不忘。張丈殷兄懷舊侶。

清風碧月付行囊。蓉湖卽是東西瀼。惠嶺堪爲大小匡。
夢繞劍南攜鶴後。使成都日所居偶遺塵鞅味偏長。

著作自論千古上。聲名久徹五雲中。縱教舊逕歸彭澤。
未得東山老謝公。鯉對許趨天眷厚。鳳毛繼起素心同。
卽今鑿路來迎夕。應促鳴騶柳陌東。

銅井分支本一家。廿年南北隔雲霞。舟逢淮浦春風暖。
話到巴山夜雨賒。故業討論慙獎飾。新詩啟發佩芳華。
鴛鴦繡出金針在。好問梁溪片水涯。

附
和作

顧光旭

江南江北望。天顏况復微。臣萬里還九曲黃流。循

三 豫土三呼 萬歲和嵩山並船昨夜聞高詠同諧當年得遠攀舊隱華陽君記否鶴銘偶爾落松關

我家膠鬲舊山堂世系希馮不敢忘

江東顧氏宗譜
溯自希馮公元

通判公始遷
無錫服山鄉

累葉尙看垂竹帛數傳猶自剩詩囊却

懷杜老游三峽便訪青蓮過二匡厯井捫參曾到處

仁風遙布蜀江長

自昔賦詩分氣象吾儕高論百年中紫文鸞鷲開羣
彥碧海鯨魚掣數公刑定已知風雅正性情應識古
今同卽看九派朝宗處江水天生只向東

東吳文學自成家還向江南散綺霞詞翰升堂君獨

步風光到眼我能賒。在時藝苑稱三絕。近代詩人說

九華

九華公諱起綸通判公五世孫
漁洋論詩只有詩人願九華

鴻筆爲霖追盛

業鳳池春浪渺津涯

兩夜再疊前韻

新詩屢讀破愁顏。酬倡無妨往復還。筆底要兼唐李杜。
胸中自有蜀江山。寒裳往歲慙多阻。聯舫今宵喜共攀。
倘仿文遊攜酒例。好將圖畫倩荆關。

東坡少游載酒文
遊臺龍眠爲圖刻

石

簪裾詎數玉山堂。遠溯黃門系不忘。惟此清芬兼駿烈。
依然硯匣與書囊。詞壇高會先盟楚。詩壘重圍直取匡。

劍外風煙格愈老。吟還同派服膺長。
一路剪帆春水上。連宵拓筆雨聲中。梅花吟閣懷何遜。
斗酒尋山憶戴公。偏幸詩仙千里共。却教韻事兩情同。
多驚白雪篇難和。鞭弭空隨淮浦東。

四海春熙是一家。青旗南指映江霞。趨塵競幸依光
近。遍地羣知普澤賒。紹學東吳希世業。宣仁西蜀羨
邠華。同論門第芸香舊。碩望高騫天漢涯。

二月十日迎

駕於清江浦之直隸廠時同年陳伯恭編修扈 蹕南
來邀余同舟賦贈二首同沈帶湖明經作

天上同移碧水船。別來重聚倍惓然。看花江浦憐今夕。
攜酒燕臺憶往年。楊柳春旗才子筆。輕莢玉蟬扈游篇。
如君聲望瀛洲少。咫尺恩承雨露偏。淡沱風光寂有
情。孟城過去又蕪城。夢回春雨珠簾路。興寄佳人錦瑟
聲。江上鶯花憐令序。座中襟佩話前盟。同心恰有東陽
沈。觸手新吟好互賡。

附
和韻

沈叔埏

送君憶隔潞河船。舊雨重逢一快然。燕市把盃偕老

輩。滌湖傾坐溯當年。

昔晤於香樹
先生坐上

春來蹕路仍千

里。別後詩筒又百篇。欲訪草堂知不遠。灣環解水卸

帆偏

話到前塵最動情，阻風中酒綠楊城。
無雙亭畔探花客，廿四橋邊度曲聲。
况有簪毫隨豹齋，未應弭楫問鷗盟。
行軒早晚天音下，瓦缶微吟許共賡。

陳崇本

好我先停衰浦船，逢君今夕喜蹁然。
新詩出手驚同座，別夢回頭悵兩年。
勝地經過尋舊志，郵程迢遞護叢篇。
篷窻共掃風前葉，細把重吟向燭偏。

煙月揚州動客情，平山一棹接春城。
忽看萬樹梅花發，誰度中宵玉篴聲。
老輩酣歌空韻事，同心風雨續

前盟仙音吹送層雲鶴却許鳴鼃一部廢

二月十七日自高旻寺抵瓜步午後雨中渡江

同帶湖聯句

一一春旗颯午風帶湖剪江直下海門東金鯨波湧樓

臺影

星橋

鐵甕城圍綺繡叢山繞歸舟成舊識帶湖雨

添畫燈仗天工芳隄聽遍迎星橋水調漁歌隱

約中

帶湖

雨中約遊海嶽庵聯句

彷彿米家山空濛見黛巒欲尋易研處星橋未擬擢船

還怪石猶堪供石出上皇山下米斯人不可攀帶湖何

以此石置齋齋

當疎雨歇

星橋

隨意款松關

帶湖

清明日嘉禾舟次發前韻贈伯恭同年

滑笏波紋緩放船。春風薰暖百花然。采茶韻事剛三月。
插柳芳辰又一年。誼託蕭朱慚結綬。詩同皮陸許連篇。
來朝西子湖頭去。何處聽鶯地最偏。

江上趨庭慰至情。扈游忻到武林城。品推鳳羽原無
價。名動螭坳最有聲。著述隨身兼史局。知交同舫續
詩盟。他時握手東華路。應記風牕韻迭賡。

附
次韻

王鼎

仙侶吟酣李郭船。堤花風外笑嫣然。回圖王會披三

月江因萍踪感卅年才子舊傳明月詠樂人新協慶

雲簾最誇年少趨庭客

謂伯恭

扈

蹕宵歸樂事偏

嵐染春姿水繪情拍妍騁秘到江城隗將江甸鶯花

趣譜入雲山韶濩聲簪管有人同史局

星橋伯恭史局中俱有著

撰連艘得伴狎鷗盟湖山未許勾留人白下簫章喜

載賡

清明雨中卽事

碧簫聲裡賣楊天如此韶華劇可憐
新雨一番初撥火
輕風幾處欲飛煙

好看官燭傳朱騎恰值花垆駐

翠旗同是清明江上

節春多倍覺日遲遲。

煙雨樓邊煙雨春。澎湖十里綠波勻。繞隄榆葉浮香莢。
到水楊絲浸麴塵。

清嘉風物記吳趨。煙景餘杭又畫圖。留得空濛奇雨色。
淡妝濃抹看西湖。

歸舟過望亭追次唐李嘉祐韻

晴光澹漭汎青蘋。習習和風上葛巾。驛外湖雲多着水。
渡頭沙鳥欲依人。棟花開到迎新夏。柳絮飛殘送晚春。
歸客御亭回望處。引將隄興轉超塵。

秋日吳興道中

沙市桑村入翠微，人家終日住清暉。
山前依舊桃花水，拍拍長看白鷺飛。

小敷山下水痕齊，如帶清流接霅溪。
韻事采蘋人不見，夕陽斜對野亭西。

十二月二十三日橫塘道中用范石湖晚泊橫

塘韻

狎水輕鷗了不驚，芳塘斜漾縠波清。
橋頭迴櫂風生夕，穿入雲山欸乃聲。

靄靄青山澹澹川，寒林如畫亦蕭然。
誰知歲晚來乘興，彷彿溪邊訪戴船。

自胥口渡太湖抵香山之梨帶里訪青照處士
芝岩編修旋即錄別有作

夕風蕩迴波落日散餘雷言避胥口行湖滸經淺瀨微
茫萬頃端蕭瑟千林外螺髻擁晴嵐屹然兩峯竄南界
穹窿連香山擅芳藹有村窈而深嘉號梨花帶中有幽
人居清風遠塵壒一別輕經秋重聚宛傾蓋風雅韻自
深寒暄語俱汰乍覩又分攜何當續良會移權去芳洲
煙水愁無奈

過堯峯山

欲數青峯七十二愛向晴空辨螺髻居人指點堯峯山

傳說堯時免水寺山前深翠住人家數里邨墟路不賒
短屋補籬藏樹密小橋通水抱溪斜。獨來值此歲云暮
寒日流光澹烟霧此心便欲山中栖塵網不羈忘世故
皆山閣上著書翁。汪鈍翁堯峯山莊有皆山閣卜築曾誇何點風重
問書莊餘韻遠蒼茫一片白雲中。戴公何點堪爲例從此諸峯屬鈍翁汪堯

句峯

贈妾李氏瑤枝二首

一去春明閱五年。白華潔膳愧詩篇。多卿代我晨昏職
常奉盤匱燕寢前。

早歲相從婁水東。書幃長伴夜燈紅。不教花月爭繁艷。

習儉居然荆布風

家芝臺餞余楓江歷游支硎寒山諸勝留別舟

次作

春風取次入林於愛問山中空谷居濃翠補雲遮石磴
幽花媚雨引籃輿飛魚峽畔澄觀後放鶴亭邊小憇餘
爲憶馳烟紛驛路故鄉欲別愧何如

劉純齋觀察招同王吳橋觀察何鏡堂太守謙
集清江署齋觀劇席上有作

雲榭紅筵壓絳紗風前側曲和琵琶擅場半是吳門舊
今夕相逢唱落花

其二

使君眞有如淮酒。袁浦傾樽興最賒。雪滿旗亭同畫壁。
風流往事說京華。

昭陽湖

一名微山湖在沛縣東北八里鄒滕二縣俱會于此

風皺晴湖碧。維舟楊柳灣。波光銜薛水。黛影入微山。沙
鶯鳴榔集。魚梁發筍還。日斜相對處。終羨釣人間。
湖周三十

里許下流與薛水合以達于淮

望嶧山

舊傳東海郡。高聳嶧陽峯。望裏翠微谷。天邊晴靄重。孤
祠懷禹貢。斷碣憶秦封。三載頻過此。風煙又客蹤。
漢書地理

志東海郡下邳有葛嶽
山在西古文以爲峴陽

南陽道中

水鄉風景雨中迷。客艇初過孟口西。
綠柳岸邊魚滬小。白蘋磯外鴨欄低。
雲籠平郡催前渡。山繞留城接舊堤。
回首故園日以遠。江南芳草自萋萋。

魏書地形志南陽平郡沛南界後廢

今屬山東魚臺縣有閘

魚臺卽事

輕展蒲帆夕照時。長堤風緩客船移。
江南春水如初別。濟北名山是舊知。
幾港荻花漁戶槳。半村茅店酒家旗。
由來棠邑風煙好。吟緒頻牽楊柳絲。

棗林

空流漾碧淨于羅。唼喋輕鳧浴水多。十里棗花香不斷。
濃陰缺處露青螺。

其二

草淺沙明去路遙。片帆邨處泊清宵。最憐千里吳關月。
一樣流光照魯橋。

抵濟寧

北去重過濟上亭。濃陰如蓋引吳舡。水通汶泗常流碧。
山入龜蒙不了青。舊殿千秋捫石碣。高樓百尺仰文星。
却憐頻歲東郊路。幾度傾杯醉綠醞。

登太白樓

觴詠偶然耳。茲樓終古傳。道由風雅契。人合主賓賢。照海羣山日。臨城萬井煙。劫來重眺處。舉手拂晴天。

少陵南池

我來拜詩聖。不敢復題詩。秋水句千古。風流長在斯。捫碑循北楹。攀藁佇南池。主簿憐追恃。青雲慰所思。秋水通溝

漁詩至今有石碑

沈青齋觀察招飲於運河署齋。余辛未歲始游。

東省下榻斯署。忽忽將三十年矣。席上話昔。

撫今賦得二絕。

少小初從濟上遊。官齋春雨記淹留。雪泥鴻爪前塵遠。
彈指匆匆三十秋。

其二

東道風流賀季真。當今大雅屬扶輪。高樓百尺依然在。
誰是詩人又酒人。

蜀山湖

不知遠風生。但覺碧雲皺。綿渺入輕波。微茫隱平岫。霏
霏涼氣回。漠漠澹煙逗。流藻旣依瀾。潛魚亦穿溜。竭來
一臨湖。幽景恰相就。汶陽樹依然。東樓日懷舊。何當曾
酒沽。披襟賞清畫。

東平戴家廟

紅牆古廟自年年

聖女廟明正統八年始建

綠樹陰多冒晚煙。舊境

須句人過處。崑梁山翠落虛船。

望東阿魚山

珠衣翠幘有無間。流水沄沄逝不還。彷彿暮雲仙梵遠。
青天一角望魚山。

東昌登魯仲連臺

高義獨千古。先生肯帝秦。飄然甘蹈海。六國竟無人。抗
墜游談輩。羞儕公子賓。崇臺今尚在。百尺自嶙峋。

景州道中

遊湖廣川道帆乘一夕風雲連瀛海北水接衛河東村
小楊堤綠碑殘土廟紅半杯聊自酌暫遣客途中

飲滄酒

十幅蒲帆卸驛前初過涼雨淨塵烟此間好乞麻姑酒
一醉篷牕作半仙

青縣

西山間說翠爲屏每向雲頭望遠青修竹茂林堪避暑
落帆何處峭帆亭

山在青縣西南多茂林修竹縣有峭帆亭

由靜海抵直沽作

水驛迢迢去輕帆上碧天層樓滄海日遠嶼白河煙轉

漕通千艘開屯列萬田風高沽港外雲暖笥溝前

唐改
淮奴

爲武清四面有水口壅不流曰奴笥

刀布諸番集魚鹽

溝乃雍奴別名見水經志及名勝志

曉市連會歸周道路擁衛禹山川柳綠春旗店花紅夜

鼓船綺羅兼楚越歌吹雜幽燕醞酒天妃廟

元史泰定
三年作天

妃宮于

燃香龍子筵

長安客話河西務建龍祠以時祭禱

繁華風土盛景

象太平傳早喜津門接彌知潞水便蓬萊看不遠一別

已三年

楊柳青

楊柳青垂驛蘼蕪綠到船風流吟往句好景故依然

首

句于文定

橫行詩

其二

疎雨疑初濕，涼烟欲半含。攀條不忍折，燕北望江南。

申蘭圃同年宰天津，招飲官齋席上作。

蘭圃名允恭，河

南延津人，乙未進士。

京華分手忽三秋，重訪津門喜繫舟。官到最繁看要厄，事惟能達想才優。晚衙碧瑣追新樂，上苑紅塵話舊遊。回首桃花口畔路，多情千尺勝深流。

丁字沽北去二十里爲桃花口。

夜泊丁字沽作

丁字沽南青青柳，丁字沽北桃花口。桃花楊柳送行舟，天外江雲一回首。江南計驛已三千，咫尺金臺挂眼前。

軟紅馬首東華路。曉露鷄鳴西掖天。東華西掖紫清夢。
小泊灘頭對菰葑。書舫微吟夜雨催。客燈滿酌香醪中。
蓬萊海上高瓊樓。九河齊入滄溟流。煙波此際真浩蕩。
開襟使得銷煩愁。極目鄉關渺何處。蒼烟已接薊門樹。
明晨帆駛過河西。飛雲好許追鷗鷺。

過武清楊村驛

此是雍奴地。垂楊舊有村。秋風傳羽獵。遼重熙八年獵于武清寨之華甸。
星夜記軍屯。明建文三年不安敗燕兵于楊村。沙鳥
宣德元年駕征高煦駐于楊村。
穿雲影。架魚破水痕。蒼茫煙景闊。曉樹接京門。

卽事

沉沉綠樹望中迷。片片輕帆天外低。人過孤村渺煙水。
涼風催送白河西。

其二

北去沽河分七十。南來驛路歷三千。臨江樓閣空明月。
入夜心懸故國天。

過河西務

帆開風力張。百里潞河長。野曠沙痕白。天低日色黃。遠
津通貢賦。要路集舟航。依約燕山翠。京畿是帝鄉。

夕雨行香河舟次作

水氣逼雲雲慘黑。欲雨不雨飽風力。金蛇百道掣電光。

石破一聲迸霹靂，河波滾滾開瀉頭。穴底魚龍盡惶惑，
旌旗髣髴雲車迴。青虬絳螭赴大澤，雨師乘勢急雨飛。
遍及九垓僅瞬息，滄溟波發北山源。潞水東西合衛白，
孤舟復爾泊空灘。坐聽疎篷風雨夕，來朝霽旭升蓬萊。
片帆直泝遙天碧。

在通州東者曰西潞水在薊州南者曰東潞水見薊州志

潞縣

地是泉山舊，人過潞縣陰。牧牛青草陌，賣酒綠楊林。煙
外波光遠，雲中岫影沉。延芳傳古淀，往蹟樂從禽。
遼史縣本漢泉山之霍村，遼每季春弋獵于延芳淀，燕山叢錄潞縣西有延芳淀，大數頃，中饒荷芡水鳥，遼主每春來此弋獵，打鼓驚天鵝飛起，縱海東青搶之，得一頭鵝，左右皆呼萬歲。

趨赴

避暑山莊道中作

石槽

青○山○堆○馬○前○濃○翠○若○可○掬○秋○樹○亦○未○老○深○淺○辨○寒○綠○紅○
橋○束○水○波○斜○通○酈○溝○曲○此○地○ 玉輦過 行帳煥重屋
民廬繞煙村禾黍茂原陸我行赴灤陽征程第一宿爽
風蕩繁雲蒼旻麗高旭旣喜十日晴天地氣始肅往矣
無滯留浩歌出澗谷

山峯口

獨○非○巨○刃○施○兩○厓○何○忽○裂○呀○然○以○中○凹○僅○可○容○一○鞭○山

峯有斷峯白雲不補缺。日夕百行人管領作喉舌。我馬
出其口。幽奧穿雲岳。豁然徑路通。環翠擁。巖嶂疎。疎木
葉涼。颯颯天風瞥。回首秋容高。飛鷹下。寥泚。

紅螺山

百盤擁如螺。螺紅奪天碧。此山懷柔北。傳聞久自昔。今
我始見之。眞面遇咫尺。非得非有靈。栖母乃是與。宅山下
有澄潭。潭水洗心魄。羣翠隱巖巒。層霞襯林石。蒼茫紫
烟凝。返照夕陽夕。欲去還停鞭。前途山下驛。

密雲縣

漁陽古秦郡。後魏置密雲。安樂及武寧。一一徵前聞。我

朝大一統。天府規幅員。上游控要會。箕尾星同分。樹
鎖白檀。嶺煙靖烏桓。軍遙緬柳城。蹟往事如塵。氛當
今威海內。有土皆耕耘。矧茲近畿地。綠壤開斜曛。昇平
有真象。歷代何足云。

白河

原泉出山下。滾滾河東流。其波注密雲。其派經鮑邯。河
濱有鄉衍。吹律聲音適。春風隨律生。地氣移并幽。至今
黍谷山。舊蹟猶堪求。不見綠壤沃。禾黍雲油油。三時資
灌溉。河水利實稠。匏葉不用歌。揚鞭度橋頭。

穆家峪

巖峩翠爲門。門徑儼天造。磐陀小起伏。衆峯勢迴抱。石
亂皺。曉雲澗斷綴。秋草淺水穿。溪來雪練依。沙繞此峪
名。穆家農事世爲寶。作息繡壤間。熙熙幼而老。昔時邊
上山。蓋野極蒼昊。今安山中業。村氓樂田稻。觀此景象
清。願言事搜討。雲葆多流連。犖确忘古道。

石匣

連岡勢奔驟。石匣一束之。兀作翠微戶。收盡羣山姿。羣
山發雄駿。勝歷東南奇。一氣擁自北。犄角懸屨屨。分縣
亘山腰。扼偏亦佐治。停車窺勝概。想像天設施。何當升
高城。坐矚月上時。

芹菜嶺

到北山愈峭背向交爭雄鬱茲芹菜嶺嵯巖天無功藏
幽草木蒼合洞陰陽通雲根斷亦老石骨穿逾工竇泄
注澗水匡豁來天風我過一長嘯興劇頗不窮何處采
芳芹仰首窺晴空

新開嶺

一峯分衆峯衆峯各一態朶朶削芙蓉層層隱螺黛詎
能盡知名茲嶺開秋塞林葉紛蕭森雲容凝靈霽我馬
踏頽石碌碌走其內回看晴巒重烟景良可愛何處斧
柯聲應有樵歌隊

南天門

連山大拱衛。高矗南天門。門虛納衆翠。關勢撐乾坤。呼
吸通斗極。星宿捫天根。古壁此一束。峻者真居尊。北嶺
一振衣。下睇羣峯奔。或偃如虎伏。或嶽如鳳蹲。或偏如
鳥墜。或奮如鯨翻。或馬或爲駝。或鼈或爲鼉。俯仰不一
狀。鬱鬱濃雲屯。崇巖挈其綱。萬象歸。丹閣願言赴
行帳。瞻肅開心魂。浩然緬禹蹟。剗鑿全無痕。

古北口

天半削青厓。崇關開兩扇。萬山擁翠入。蒼寒撲人面。要
地接中原。軌途僅一線。古來爭風塵。英雄幾轉戰。嗚彼

門龍虎事過如閃電方今 聖人出九有恩威徧無間
關內外農氓滿花甸出口秋容高落日照絕澗嶺外霜
雕飛排空帶雲片。

青石梁

峭壁豁以通仄徑。幽且長。將崩未崩石欲斷。不斷梁。敗
厓紛積塊。磊磊巖中藏。女媧補天時。鍊就多遺忘。不然
秦王鞭驅叱失道。旁竒花駭紅綠。斷澗爭溯滂。目賞不
暇給。塞上戀景光。迴峯勢尤峻。策馬奔前岡。鞞確信馬
蹄。袂挾秋雲翔。

黃土梁

關外不一梁青石復黃土梁卽以土名石勢自阻語摩
雲蕩其春濼沙穿其股自上折而下積猛力愈努延緣
入山椒村以山爲戶繩籬絡瓜華草畦苗稻黍觀此塞
垣秋備識民風古別峪接長山斜陽指去所

長山峪

秋塞山爲途山長勢不極宛如龍蛇蟠蜿蜒自胎息原
從幽外曠逕自峭中直一峯抱千峯神斧斷不得茲峪
何年開擁翠倍削劣乳竇濺花紅薜壁着雲黑刻露盡
山態隨意恣捫陟石梁去又遙回首層霞色

月滿樓詩集卷二十四

元和顧宗泰景嶽

受業劉敏編輯

秘閣集

壬寅 余於辛丑春北上入直薇省卽奉命充文淵閣檢閱是時四庫全書分藏淵源

津溯四閣上特珍 古制置文淵閣提舉領

閣直閣校理檢閱等官以重其典校檢分班

係直余纂修明史三通音韻述微職官表各

館書外緝校四庫日無寧晷公餘所爲詩統

名秘閣集

題吳仲圭墨竹圖

梅花道人。性愛梅。繞屋種梅。致高絕。時亦愛竹。對檀欒。
三竿兩竿。足風雪。五月却寫凌寒姿。清影滿堂散蕭屑。

晴。天。若。有。蒼。龍。吟。半。江。忽。訝。笛。聲。裂。裁。煙。剪。雨。出。此。圖。
粉。光。墨。潘。交。縈。結。竹。戲。剛。逢。竹。醉。辰。幾。歷。星。霜。詎。推。折。
當年賣卜隱武塘。讀易風流寄孤潔。不專於畫畫特奇。
擊劍哦詩共怕悅。筆妙曾見鴛湖圖。松泉別幅亦相埒。
仲圭有鴛湖得此神韵殆過之。至正題年自標揭。墨竹
松泉二圖道人風已遙。梅花和尚空。墓碣梅道人題
至元十年五月十三日款。治癘自題云梅花和尚墓。兵後諸墓折伐而獨以和尚墓獲免。綿潭山館真賞留直契。此君重品節。

副憲吳香亭先生歸省圖題得五言四首

河嶽時巡日。尊彝奉祀年。銜恩隨翠輦。展孝省花阡。

帝寵流光遠。臣私報本虔。固陵違十載。心折白雲前。

其二

繡野春旗色。林垌玉馬聲。鄉人看使節。孝子返佳城。碧柳籠煙暖。紅花裊露明。五峯山下路。灑酒記哀榮。

其三

豐祭爭如養。愀然感逮存。先懷霜露夕。同愴鵝鴒原。陶侃營初卜。歐陽表舊恩。鸞封光賁久。厚澤永雲孫。

其四

家慶真雲集。王程敢暫留。淮南趨帳殿。山左肅行騶。舊望容臺重。新恩憲府優。繪圖追世德。餘慕在松

柳

題曹劔亭前輩綠波花霧圖

桃花溪上春風寒。桃花渡口春波寬。紛飛紅雨打雙槳。
迷天花霧空中看。空蒙春霧看不極。低亞繁英嬌欲滴。
胭脂染出萬千花。暈入綠波浸顏色。數聲欸乃掠迴波。
木蘭檝倚小紅多。依稀巫女朝雲夢。彷彿吳娘暮雨歌。
暮雨朝雲等閒見。誰擅風流動人羨。驚才舊壓紫薇關。
清名夙挂蓬萊殿。蓬萊回首憶煙霞。圓峒風光路不賒。
鱸香亭畔常浮宅。鶴唳灘邊小住家。家家花樹圍嵐翠。
天桃好鬥韶姿媚。春風不老有情人。人間詎少仙源意。

余亦年來雲水耽。曉風殘月寄江南。小姑溪近叢祠訪。
西子湖深幽巖探。軟紅一入東華路。清漏疎鐘隔江霧。
空園前度記劉郎。重門再到懷崔護。荇流光逐去塵。
少年時節似三春。瑤華皇畔貽公子。金縷風前惜美人。
披圖不唱山香曲。有眷如海人如玉。色色空空妙解參。
花花葉葉閒情足。何歲無花不可憐。有花能看卽神仙。
問津添箇從遊客。天上同乘春水船。

東冶同年南西門外廻香亭修禊集蘭亭字得

詩二首屬和

虛亭鵲詠禊羣修。感寄於今豈倦遊。林帶春陰隨嶺曲。

竹。生。清。氣。抱。湍。流。人。同。樂。也。觀。無。盡。地。可。娛。哉。叙。有。由。
雖與化遷終暫托。斯懷殊足引情幽。

其二

靜者因時樂事修。春陰初暮感同遊。山林天外風斯暢。
作述人生歲自流。列水詠情同此致。武列水在興州時與東治于役同歸
虛亭感會豈無由。有文可覽今懷昔。隨在相於寄托幽。

訪陳秋槎卽和其幽居韻

寒裳頻過不須招。一逕春深花柳朝。爲看小山多架閣。
若通流水欲添橋。雅情碁局兼詩卷。勝日茶檯與藥寮。
乘興何當良會續。遲將新月上芳條。

其二

淡雲濃翠宛相招。最足勾留夕復朝。人到雨三如坐艇。
句追丁卯亦名橋。風光便是青瑤嶼。霞彩何須碧綺寮。
猶是清和韶序永。花爭發蕊柳垂條。

文淵閣曝書恭紀二十韻

策府搜羣玉。

天題十二辰。

御製用十二辰字 館開傳

癸巳書聯記。壬寅輝案排。細帙分班集。錦紳三層升。百

尺四部直兼旬。蓬海連雲廣。薇垣照日新。羽林香辟蠹。

石室遠無塵。密檢冰文潤。紛披碧字勻。曬庭偏笑郝。用郝

隆曬腹。繡竹劇思荀。荀勗得汲冢古文竹書。撰發篋塵

中書事

繡竹

劇思

荀

荀勗得汲冢古文竹書

撰

發篋塵

中書事

繡竹

掌。遍。更。籤。勾。校。頻。紀。符。鈴。秘。寶。緘。冊。保。貞。珉。自。昔。崇。

文。富。會。諡。總。目。陳。奎。章。趨。閣。夜。虞集有奎章閣銘序大。木。建。堂。晨。

玉。署。儲。書。紫。禁。東。宛。然。麟。鳳。薈。萃。今。尤。盛。殊。觀。古。學。

穆。清。風。詹。同。大。本。堂。詩。句。觀。景。卿。欽。帝。典。泥。檢。煥。秋。旻。坐。水。

臻。本。御題閣上句精。惟。孕。仿范氏天一閣制探。源。義。重。申。勘。編。逢。菊。月。館臣奏定曝書之制

期。以。三。六。九。月。紬。紙。坐。花。茵。藜。杖。叨。彌。近。芸。廳。幸。最。親。蟲。魚。勤。

掃。積。朱。墨。慎。留。真。庭。石。承。空。翠。池。波。映。細。鱗。捧。函。天。上。

事。欣。悅。藥。珠。人。

重九後一日閣上作和覃溪學士前一日韻

日。麗。層。霄。霽。景。融。凌。虛。斗。拱。醇。瓏。地。開。宮。闕。千。門。

外。身。在。圖。書。萬。卷。中。翠。積。西。山。凝。曉。露。雲。移。北。極。送。天。
風。人。間。競。說。重。陽。會。似。此。登。高。興。孰。同。

和大司寇雲坡先生九日 山莊如意舟豫燕

之作

重九 山莊異教傳。 恩隆錫燕對秋妍。雲深人坐蘭。

舟水。

是日由舟登延薰館

香永衣榮。 玉案煙蓬島幾家分綺席。

命同預燕者祇

十九人

碧霄三接聽鈞天。 聖顏有喜依光密。

真是仙階最上仙。

其二

珍膳仙厨勝菊餐。侍筵終夕禮多寬。樓臺浸水壺中見。

戶部相詩集 卷二十一
雲樹園山畫裡看。推食稚風傳玉筋。懷芬盛事賜龍團。
何如豐宴承恩渥。秘館延薰倍洽歡。

看菊城西崇效寺和博西齋兵部韻

搗來雲外寺。秋興摠超然。最愛禪爲友。相逢客盡賢。黃
花當九月。日下又三年。小坐談今昔。難忘落照前。時司農全

穆齋先生在座劇談往昔

大司寇雲坡先生從滎陽寄咏九日見懷之什

次韻二首

山莊逢九日。天上扈行圍。霞隱林楓染。雲寬塞雁飛。
秋情偏倍健。清句不爭肥。驛使叨遙贈。同音願敢違。

其二

却憶官齋宴花吟金帶圍。此宵黃菊放。及待碧觴飛雪。
稻翻匙。美霜螯刺齒肥。重陽好重作。莫悵賞心違。

九月十四日入直和覃溪學士用宋人同文館

倡和詩韻

真是蓬萊觀裏行。玉階連襪盡賢英。翻瀾門韻窮三峽。
扶輿披編擁百城。檻外池波秋鑑影。簾前松翠晚濤聲。
移情勝境同天上。歸轡還看皓魄生。

覃溪學士詩中以泰與雅堂皆歸自塞垣故有

螺岫鳳城之句見懷摯意寫入直廬亦異時

嘉話也再疊韻奉酬並呈魚門秘校

子役方從塞外行。歸來恰好看秋英。瑤華猥荷貽中省。
芸局欣同直。禁城翠隱遠山供。靜對風疎繁葉助。吟
聲朝回例有消。寒會傳飲何當開麴生。往年同單溪學
士暨竹君魚門

習菴瘦銅諸公舉消寒會賦詩
倡和茲九秋盡矣故爇及之

十月二十六日 賜哈密瓜恭紀

金闕堦前立曉風。甘瓜捧出五雲中。貢來番服天山遠。

錫及詞臣 上苑同剖翠雕盤。冰理滑泥香。棐几蜜

花融。先嘗最幸沾。恩露莫盡微葵向日表。天山在哈
密城北一

百二十餘里一名白
山唐詩名折羅漫山

其二

威德真通青海頭九州之外古伊州

在哈密境元和志禹貢九州之外古

戎勒碑葱嶺逾唐郡置尉宜禾陋漢郵玉馬金刀輸貢

日康熙三十五年哈密回子頭目達爾漢

白克額日都拉遣使奉表貢駝馬刀綵旗寶印策

封秋三十六年授額貝都拉爲札薩克之年年水谷辰

爪獻頌到龍蹄識遠猷龍蹄爪名李嶠詩龍蹄遠珠履

題查篆仙刺史升菴課讀圖

琴臺落日相如宅溪水桃花子美堂勝壤由來風雅重

一邱一壑爭難忘升菴居近城都治百載幽廬作遺寺

竹坪石磴故依然舊是丹鉛讀書地君家曩昔官蜀中

葺齋卽慕升菴風。繞齋竹木發深秀。重教題榜追芳蹤。
清。霄。花。影。交。簾。箔。銀。蟾。射。彩。雲。陰。薄。惠。連。難。弟。詩。情。深。
元。遜。佳。郎。才。思。博。公。餘。擁。書。如。百。城。上。下。文。史。尤。縱。橫。
古。懽。尊。壘。寄。跌。岩。名。流。裙。屐。看。交。并。是。時。嚴。君。方。駐。節。
松。潘。控。要。懾。且。悅。桃。關。一。夕。急。軍。書。井。絡。天。彭。蓬。嶮。絕。
營。分。兩。路。北。與。西。紛。拏。旁。午。籌。機。宜。星。霜。單。騎。錦。官。里。
徃。徃。信。宿。無。俊。遲。君。恰。奉。檄。留。行。省。儲。胥。策。畫。嚴。邊。警。
一。堂。父。子。並。西。川。六。載。江。山。領。清。景。紅。旗。奏。凱。傳。饒。歌。
勤。勞。夙。夜。論。功。多。功。成。揮。手。去。萬。里。蠶。崖。回。首。空。嗟。峨。
西。風。忍。聽。梁。州。曲。一。麾。更。作。滇。南。牧。秀。高。山。外。盤。龍。江。

又別升菴隔巴蜀。升菴遭遇君絕殊。朝陽遺怨長嚙吁。
樹煙瘴雨證閱歷。繁花插髻齊狂奴。文章氣節俱不朽。
此人此志亦希有。風流寄意將毋同。重緝前賢真尙友。
青山課讀說升菴。圖出前塵望翠嵐。却羨趨庭當日樂。
偏留盛事他年談。嚴君湘水重開府。公望公才堪接武。
指日揚風五馬驅。花滿芳途爭負弩。常記川中籌筆樓。
每懷退食讀書秋。書香底。楊家擅濯綺沱江。文藻留。

古詩一首爲左節婦賦

貞玉久逾白。貞松久逾芳。伊惟貞節勵。彤史垂芳長。左
家有賢婦。淑德聞南昌。十三執麻枲。十四裁練紉。十五

明禮義十六通經常。二十嫁爲婦。中饋治酒漿。夜入君
子室。朝登公姥堂。脫我翠雲釵。除我明月璫。安貧守節
儉。井臼操不遑。方當志偕老。夫病驚摧傷。我儀痛永訣。
哀惻依空房。牙牙視兒女。弱穉初扶床。收淚願撫養。艱
苦還備嘗。有夫月不缺。無夫星無光。天月不終始。孤星
歷寒霜。門戶慘零落。歲月嗟奔忙。鄰里勸易志。何不事
束裝。賢婦有阿兄。友愛爲忖量。賢婦有阿弟。迎歸免悲
涼。脂車並秣馬。粲粲青絲纒。絡繹從如雲。迫促大道旁。
賢婦斷來意。終身志孤凰。之死志不改。磐石彌堅蒼。旻
天鑒其節。風火無能殃。教子且成立。披瀝能文章。翩翩

伯與仲。藉甚名詞場。邀榮獲旌典。間闕崇坊。飲冰兼
茹蘖。終俾芳聲彰。至今桃溪水。清冽長流香。

大司馬芝庭先生從吳門寄詩見贈卽依元韻

却寄

南望江波日夜流。達尊兼是佛仙儔。蓬萊舊履香山社。
風雅傳鍾葑水樓。塵况每縈長者念。雲篇俯慰客中愁。
深宵直省回清夢。荒落徒慚歲月悠。敢望詩裁接勝
流。歌懷風月亦吾儔。西湖屐訪蘇公寺。東國鰲飛太白
樓。五夜雞栖空感遇。卅年鴻爪倍添愁。何時侍坐南園
夕。靜看溪亭碧水悠。

張春巖廣文咏其尊人子畏觀察秋山歸騎圖

屬題

小金臺畔時携酒。接席論文對吾友。言追世德述清芬。
遺愛棠陰挂人口。君家門閥本南皮。奕葉平津令望垂。
觀察風施絳弓冷。廿年惠績天南陲。栢臺籐署馳聲久。
滇池湖水宜勲茂。閩越疆遙控海山。繡衣指處民情究。
秋雲萬疊秋天高。黛林紅葉風騷蕭。臨漳臺登清流駛。
朝斗巖空古岫交。按部公餘一覽眺。是邦風俗胥尚劭。
鈞稽利弊衆民安。倚笏青山堪坐嘯。一朝揮手賦歸興。
夕陽古驛戒前驅。蒼茫父老攀轅地。鄭陶溪巒策馬圖。

哲嗣於今振鳳羽。春明官閣懷風雨。緗卷披餘舊澤思。
霄漢雲程看接武。題君圖卷愧追尋。仁遍三山緬德音。
此夕京華指點處。青梯紫閣仰烟岑。

題韋靜山儀禮章句蠡測手簽卷卽次其韻

古禮貫經典。非如演漢菴。高堂十七篇。後儒申緒說。疇
或洞精微。修綆追曠絕。落雪淨肺腑。痛暢破澀噎。倬哉
韋公子。窮經義展泄。章斷而句釐。鍵開以樞揭。分支究
鄭賈。繼派宗慶愆。通解證考亭。幹圭藉屬綴。况乃家學
遂。卓蹤自批捩。川河有先祭。金玉要劇切。虛谷善受人。
得解乃夷悅。詹事今經師。談經衆辭舌。謂覃溪
宮詹 窳奧穿

微芒芬葩黜鼠竊鏗鏗好古心。過義必耽閱。一編互刊
審篤嗜心苗。苗分條剖銖黍。披却透撒楔。斯事契以神。
至蘊逾括括。括羽翼三禮功。欲使百家折。元成此編最。繼
公參等列。三復爲題識。霏言愧鋸屑。

胡書巢太守移居羊肉御衙同人贈詩數人同
年用隸事體作七律余亦作五言長句一首

園教三畝治。

列子陽朱見梁王事

望自五紵彰。

詩

過計愁驅虎。

春秋

後語張儀謂楚王事

資生說牧羊。

莊移家方祀竈。

陰興傳陰子方臘日晨炊而竈

神見子方拜受慶

點草亦成莊。

雲仙雜記午橋莊晉公每使羣羊散坡上曰芳

草多情賴此妝點

儘許藏書富。

倪若水藏書多借書者投束修羊

寧虞挾策亡。

莊子。賊與。豎肥。堪速。舅。詩。宅買恥爲郎。卜式鞭後曾知。

術。莊子。牽前若有瑯。易。夫卦。牽飲池。養看荷。詩投戶贊容。

將。春秋。繁露。細肋。諸官味。陸游詩。豈須烹脾。速景光。神異錄

長夜短。煮一羊脾。才熟。東方已昔年。傅子政。左傳。昔日

曙。歐陽詩。歲月才如熟。羊脾。昔年。傅子政。之羊子爲

政。東海。致嘉祥。說文云。決獄。臯陶。邁。罪疑者。令出羊同

盟中里。詳。墨子。齊莊公之臣事早申尹喜約。尹喜。內傳。終驗。沈猶良。家

又孫卿子仲尼爲司寇。存禮常多愛。除媮詎有攘。論語。干

沈猶氏不敢朝。飲其羊。三歲富。羝。牂。雅。星夕。何嗟。雷。

年繁樹植。志中記。千歲之樹。情爲。賣羊。秋旻並肅霜。後漢書。當爲秋。于京。君子。役裁。句大夫。

章詩。飲酪。紛杯盞。世說。炮羔。集履。裳。楊惲傳。烹。博。恩。萍。實。

辨家與析水精藏韓詩外傳魯公得生羊李宜冀懷民樸周禮低風識

野蒼勅勒歌韻詞參挂角詩話經義解承筐易歸妹畫屬初平

好蘇東坡有黃初平牧羊圖畫吟惟子美強黃羊飢不羶杜甫句也將珠慚未

得幽明錄叱石笑徒忙葛洪神仙傳有路岐誰逐列子超藩觸不

妨易功名非爛胃後漢書爛羊胃騎都尉平坦異樂腸易林一笑誠

非晚國策山言醉舉觴詩出醉之言俾出童裝